

黃帝內經靈樞注證發微

黃帝內經靈樞註證發微卷之四

大明太醫院正文會稽庠生玄臺子馬時仲化註證

也玄子三孫馬存預校

口問第二十八

黃帝間居辟左右而問於歧伯曰余已聞九鍼之經論陰陽逆順六經已畢願得口問歧伯避席再拜曰善乎哉問也此先師之所口傳也黃帝曰願聞口傳歧伯荅曰夫百病之始主也皆生于風雨寒暑陰陽喜怒飲食居處大驚卒恐則血氣分離陰陽破散經絡厥絕脉道不通陰陽相逆衛氣稽留經脉虛空血氣不次乃失其常論不在經者

請道其方

詳同五子云  
解上他字有待

此言有所當日傳者以其論之不著于經中也

黃帝曰人之欠者何氣使然岐伯答曰衛氣晝日行于陽  
夜半則行于陰陰者主夜夜者卧陽者主上陰者主下故  
陰氣積于下陽氣未盡陽引而上陰引而下陰陽相引故  
數欠陽氣盡陰氣盛則日瞑陰氣盡而陽氣盛則寤矣焉  
足少陰補足太陽謂之呵欠數音東

此言人之所以欠及所以寐與寤而有刺之之法也欠

氣相引也

素問宜明五氣論本經  
九鍼論皆曰腎主欠

人之所以欠者正以

衛氣晝日行于陽經

足手六

夜半則行于陰經

足手六

陰氣專主于夜而行之夜之時則必卧性衛氣之爲一  
者主于上行營氣之爲陰者主于下行此陰陽二茲  
以陰氣積于下陽氣以夜半之時亦在于下而不得盡  
上故陽氣乘夜半之後乃相引而上陰氣則相引而上  
陰陽相引故數上爲欠也至人之所以寤寐者以夜半  
之時萬民皆卧命曰合陰斯時衛氣已盡營氣方盛故  
目瞑而寐至夜半之後則陰氣已盡陽氣方盛當從此  
而寤矣此不寐而多爲欠者以足少陰腎經有邪故不  
能寐宜寫其照海穴陽蹻虛故多欠宜補足太陽膀胱  
經之申脉穴也

黃帝曰人之噦者何氣使然岐伯曰穀入于胃胃氣上注于肺今有故寒氣與新穀氣俱還入于胃新故相亂真邪相攻氣并相逆復出于胃故為噦補手太陰腧足少陰噦

此言人之所以噦而有刺之之法也人之氣入于胃胃得穀氣而化之遂成精微之氣以上注于肺而行之五藏六府三經用之今有寒氣之故者在于胃中而又有穀氣之新者以入于胃則新故相亂真氣與邪氣相攻真氣即胃氣邪氣即寒氣彼此之氣并而相逆所以復出于胃而為噦也當補手太陰肺經及腧足少陰腎經可也

黃帝曰。人之唏者。何氣使然。歧伯曰。此陰氣盛而陽氣虛。陰氣疾而陽氣徐。陰氣盛而陽氣絕。故爲唏。補足太陽。寫足少陰。

唏計凡切

此言人之所以唏。而有刺之之法也。釋文言哀痛不泣曰唏。人之所以唏者。以陰氣反盛。且疾。陽氣反虛。且徐。且絕。故爲唏耳。治之者。宜補陽而寫陰。當於足太陽膀胱經陽蹻脉氣所出者補之。足少陰腎經陰蹻脉氣所出者寫之。

黃帝曰。人之振寒者。何氣使然。歧伯曰。寒氣客于皮膚。陰氣盛。陽氣虛。故爲振寒。寒慄。補諸陽。

此言人之所以振寒而有刺之之法也。振寒者，身寒而振動也。蓋以寒氣客于皮膚，其陰氣盛，陽氣虛，故陰盛則爲寒，且寒而戰慄，當補諸陽經以溫之，則陽勝而陰衰矣。

黃帝曰：人之噫者，何氣使然？歧伯曰：寒氣客于胃，厥逆從下上散復出于胃，故爲噫。補足太陰陽明。一曰：補眉本也。此言人之所以噫而有刺之之法也。噫，不平聲也。蓋以寒氣客於胃中，厥逆之氣從下而上，其氣之散也復出于胃，故爲噫。當補足太陰脾經、足陽明胃經以溫之。一曰：取足太陽膀胱經之在眉本，名攢竹者以刺之。

黃帝曰人之嚏者何氣使然岐伯曰陽氣和利滿於心中  
于鼻故為嚏補足太陽榮眉本一曰眉上也

此言人之所以嚏而有刺之之法也嚏噴嚏也蓋以人  
之陽氣平和順利滿溢于心故上升于鼻而為嚏當補  
足太陽膀胱經曰攢竹者以刺之一曰在眉近于上者

是也

兩眉頭少陷宛宛中鍼三分督六  
呼灸三壯鍼灸聚英云主風眩

黃帝曰人之蹇者何氣使然岐伯曰胃不實則諸脉虛諸

脉虛則筋脉懈惰筋脉懈惰則行陰用力氣不能復故為

蹇因其所在補分肉間

蹇音妥釋云丁出貌則是首身下  
垂而不能舉也觀本經下文有因

其所在補分肉間則蹇必有定所且有分部彼以蹇為  
釋者是乃以請之為蹇而遂釋之為蹇也義甚不通



此言人之所以輒而有刺之之法也。蓋以胃者五藏六府之海也。胃虛則諸脉虛而筋脉懈惰。後乃強力入房。所以氣不能復而爲輒也。當因其所在以補其分肉間耳。

黃帝曰。人之哀而泣涕出者。何氣使然。歧伯曰。心者五藏六府之主也。目者宗脉之所聚也。上液之道也。口鼻者氣之門戶也。故悲哀愁憂則心動。心動則五藏六府皆搖。搖則宗脉感。宗脉感則液道開。液道開故泣涕出焉。液者所以灌精濡空竅者也。故上液之道開則泣。泣不止則液竭。液竭則精不灌。精不灌則目無所見矣。故命曰奪精。補天

柱經挾頸

此節可與素問解精微論參看

此言人之所以泣涕而有刺之之法也。蓋人泣涕出于目。本于心。形于口鼻。正以心爲五藏六府之主。目爲宗脉之所聚。又爲液氣上升之道路。且鼻爲氣之門戶。故凡悲哀愁憂者。則心主動而五藏六腑隨之以搖。搖則宗脉動而液道開。泣涕之所以出也。且此液者。所以灌精濡空竅者也。故上液之道一開。則泣不止而液竭。精不灌而目盲。其名曰奪精。當補足太陽膀胱經之天柱穴。此經乃挾於後之項頸者是也。挾項後髮際大筋外廉陷中。鍼二分。留六

呼灸七壯

黃帝曰。人之太息者。何氣使然。岐伯曰。憂思則心系急。心  
系急則氣道約。約則不利。故太息以伸出之。補手少陰心  
主足少陽留之也。

此言人之所以太息而有刺之之法也。人之心皆有系。  
唯憂思則心系緊急而氣道欬約。約則出氣不利。故太  
息以伸出之。當補手少陰心經。手厥陰心包絡經。及足  
少陽膽經。皆留其鍼以補之也。

黃帝曰。人之涎下者。何氣使然。岐伯曰。飲食者皆入于胃。  
胃中有熱則蟲動。蟲動則胃緩。胃緩則廉泉開。故涎下。補  
足少陰。

此言人之所以涎下而有刺之之法也。人之涎何自而下。正以飲食入胃。則胃暖而蟲動。胃氣之在上脘者。勢緩而不下降。所以在上之廉泉開而涎下也。當取足少陰腎經以補之。蓋補陰則任脉下盛。而上之廉泉通。廉泉通而涎下于內。不下于外矣。

黃帝曰。人之耳中鳴者。何氣使然。岐伯曰。耳者。宗脉之所聚也。故胃中空。則宗脉虛。虛則下溜。脉有所竭者。故耳鳴。補客主人手大指爪甲上與肉交者也。

此言人之所以耳鳴而有刺之之法也。耳爲宗脉之所聚。胃爲宗脉之所生。唯胃中空。則宗脉虛而下流。其在

上之脉氣隨竭耳遂為之鳴也。當補足少陽膽經之客

主人穴耳。一名上關耳前起骨上廉開口有空張口及取之乃得聲深藏一分能七呼矣三壯及

手大指爪甲上曰少商者。乃手太陰肺經穴也。大指端內側去

爪甲如韭葉白肉際宛宛陷中藏一分審三呼不宜灸

黃帝曰人之自嚙舌者何氣使然。缺此厥逆走上脉氣

革至也。少陰氣至則嚙舌。少陽氣至則齧頰。陽明氣至則

齧唇矣。視主病者則補之。

此言人之所以齧舌而遂及齧頰齧唇者各有刺之之

法也。凡人之齧舌者皆氣逆走上所致也。且各經脉氣

以革而至故手少陰心經之氣至則嚙舌以舌為心經

之竅也。手少陽三焦之氣至則嚙頰以頰爲三焦經之  
脉路也。手陽明大腸經之氣至則齧唇以唇爲大腸經  
之脉路也。各視主病之經以補之耳。

凡此十二邪者皆奇邪之走空竅者也。故邪之所在皆爲  
不足。故上氣不足腦爲之不滿耳。爲之苦鳴。頭爲之苦傾。  
目爲之眩。中氣不足溲便爲之變。腸爲之苦鳴。下氣不足  
則乃爲痿厥。心悅補足外踝下胥之。

此承上文而言十二邪之走空竅者以正氣不足而然  
也由上文十二項觀之皆不正之邪走于空竅者也。故  
邪之所在皆由正氣不足而邪得以乘之。惟上氣不足

則腦空耳鳴頭傾目眩矣中氣不足則便變腸鳴矣下  
氣不足則爲痿爲厥而心爲之悅矣皆當補足外踝下  
胛之節足太陽膀胱經崑崙穴是也。

黃帝曰治之奈何岐伯曰腎主爲欠取足少陰肺主爲噫  
取手太陰足少陰啼者陰與陽絕故補足太陽爲足少陰  
振寒者補諸陽噫者補足太陰陽明噦者補足太陽胃本  
臍因其所在補分肉間泣出補天柱經俠頸俠頸者頭中  
分也頭之中部分太息補手少陰心主足少陽之而下更留之涎下  
補足少陰耳鳴補客主人手大指爪甲上與肉交者自齧  
舌視主病者則補之目眩頭傾補足外踝下胛之痿厥心

挽刺足大指間上二寸留之前之太衝一日足外踝下留之

上文各項所治之經既條答矣而此復因帝問治法遂重言以申之也

師傳第二十九

黃帝曰余聞先師有所心藏弗著于方余願聞而藏之則而行之上以治民下以治身使百姓無病上下和親德澤下流子孫無憂傳于後世無有終時可得聞乎岐伯曰遠乎哉問也夫治民與自治治彼與治此治大與治小治國與治家未有逆而能治之也大惟順而已矣順者非獨陰



陽脉論氣之逆順也。百姓人民皆欲順其志也。黃帝曰。順之奈何。岐伯曰。入國問俗。入家問諱。上堂問禮。臨病人問所便。黃帝曰。便病人。奈何。岐伯曰。夫中熱消瘴則便寒。寒中之屬則便熱。胃中熱則消穀。令人懸心。善餓。臍已上皮熱。腸中熱則出黃如糜。臍以下皮寒。胃中寒則腹脹。腸中寒則腸鳴。飧泄。胃中寒。腸中熱則脹而且泄。胃中熱。腸中寒則疾。饑。小腹痛脹。黃帝曰。胃欲寒飲。腸欲熱飲。兩者相逆。使之奈何。且夫王公大人血食之君。驕恣縱欲。輕人而無能禁之。禁之則逆其志。順之則加其病。使之奈何。治之何先。岐伯曰。人之情莫不惡死而樂生。告之以其敗。

語之以其善導之以其所便問之以其所苦雖有無道之  
人惡評有不聽者乎黃帝曰治之奈何岐伯曰春夏先治  
其標後治其本秋冬先治其本後治其標黃帝曰便其相  
逆者奈何岐伯曰便此者飲食衣服亦欲適寒溫寒無恨  
愴暑無出汗食飲者熱無灼灼寒無滄滄寒溫中去適故  
氣將持乃不致邪僻也

此詳言便病人之法也病有中熱消瘴則以寒爲便中  
寒之屬則以熱爲便如胃中熱則消穀令人懸心而  
善餓其臍已上之皮當熱若腸中有熱則後出黃色如  
糜而臍已下之皮則冷也如胃中寒則腹當爲脹若

腸中寒則腸中鳴而爲飧泄也。如胃中寒而腸中熱則胃中寒者當脹而腸中熱者必泄也。如胃中熱而腸中寒則胃中熱者當速飢而腸中寒者小腹必痛且脹也。此腸胃之寒熱不同似爲難便。帝之所以有胃欲寒飲腸欲熱飲爲問則胃有寒時當飲之以熱而熱非其性。腸有熱時當飲之以寒而寒亦非其性。兩者相逆便之甚難。況王公大人血食之君禁其欲則其志逆順其欲則其病加固難於便而治法難于先也。殊不知人情惡死而樂生。凡致死之事告之以其敗開之以其所苦。凡致生之事語之以其善導之以其所便則逆之

者。未有不樂從者也。且治有所先。法不容貳。春夏陽氣  
在外。病亦在外。故先治其後病之標。而後治其先病之  
本。秋冬陽氣在內。病亦在內。故先治其先病之本。而後  
治其後病之標。此治之者。必有所先。不得以順其志。而  
可合法以徇之也。至于飲食衣服之類。則彼固有所便  
而吾亦可以曲全之耳。故飲食衣服。必欲其適乎寒溫。  
彼之衣服欲寒。而法不可寒。但使之寒。不至于悽愴。  
熱而法不可熱。但使之熱。不至于出汗可也。又彼食飲  
欲熱。而法不可熱。但使之熱。無灼灼欲寒。而法不可寒。  
但使之寒。無滄滄可也。寒溫中適。則正氣自持。乃不致

有邪僻矣。允此者。皆所以便病人也。否則治民與自治。一治彼與治此。治小與治大。治國與治家。入國則問俗。入家則問諱。上堂則問禮。未有可以逆而治之者。而獨於臨病人之際。可不問其所便也哉。

黃帝曰。本藏以身形支節。腠肉候五藏六府之小大焉。今夫王公大人。臨朝卽位之君。而問焉。誰可捫循之。而後答。少政伯曰。身形支節者。藏府之蓋也。非面部之閱也。黃帝曰。五藏之氣。閱于面者。余已知之矣。以支節知而閱之。柰何。岐伯曰。五藏六府者。肺爲之蓋。巨肩陷咽。候見其外。黃帝曰。善。岐伯曰。五藏六府。心爲之主。缺盆爲之道。骷髏有

餘以候腧。黃帝曰：善。歧伯曰：肝者，主爲將，使之候外，欲知堅固，視目小大。黃帝曰：善。歧伯曰：脾者，主爲衛，使之迎。視唇舌好惡，以知吉凶。黃帝曰：善。歧伯曰：腎者，主爲外，使之遠聽，視耳好惡，以知其性。黃帝曰：善。

腧音詁，腧音結，計音丁。

此言身形支節，可以候五藏也。本藏，本經篇名。帝問本藏，以身形支節、腠肉候五藏六府之小大，則王公大人臨朝即位之君，分至尊也。從而問之，誰敢捫循其支節、腠肉而後答之，捫之固難。答之無據，伯言支節爲藏府之蓋，非比面部易閱，故五藏之氣閱于面。帝雖知之，然支節亦有可閱而知，不必于捫循之也。肺爲藏府之蓋。

凡巨肩陷咽者肺之小大高下堅脆偏正可候矣

大義見本

藏篇係心爲藏府之主而氣之升降其道在于缺盆卽

倣此

其髑髀之骨端曰髀骨者有餘以形于外則可以驗髑

髀而知其心之堅脆小大高下偏正矣肝爲將軍之官

使之候視乎外故欲知肝之小大高下堅脆偏正當視

其目之小大耳脾主爲衛使之在外以迎糧故視唇舌

好惡而知脾之小大高下堅脆偏正矣腎主爲外使之

遠聽故視耳之好惡而知腎之小大高下堅脆偏正矣

黃帝曰善願聞六府之候岐伯曰六府者胃爲之海廣骸

大頸張胃五穀乃容胃隧以長以候大腸唇厚人中長以

候小口。目下果大。其瞳乃橫。鼻孔在外。膀胱漏泄。此皆  
决起三焦乃約。此所以候六府者也。上下三等。藏安且以  
决起三焦乃約此所以候六府者也

此言身形可以候六府也。三焦乃約。三焦為决瀆之官  
者。約而不漏也。身形上中下三停相等。則藏府在內者  
安且善矣。

决氣第三十 决論一氣六名之義故名篇

黃帝曰。余聞人有精氣津液血脈。余意以為一氣耳。今乃  
辯為六名。余不知其所以然。岐伯曰。兩神相搏。合而成形。  
常先身生。是謂精。何謂氣。岐伯曰。上焦開發。宣五穀味。薰



府充身澤毛若露之路。是謂氣。何謂津。岐伯曰。腠理發泄。汗出溱溱。是謂津。何謂液。岐伯曰。穀入氣滿。淖澤注于骨。骨屬屈伸。洩澤補益。髓皮膚潤澤。是謂液。何謂血。岐伯曰。中焦受氣取汁變化而赤。是謂血。何謂脉。岐伯曰。壅遏營氣。令無所避。是謂脉。

此詳言曰氣之義也。精氣津液血脉。分而言之。則有六。總而言一。則曰氣。故此謂之曰一氣。而下則曰六氣。易曰。男女構精。萬物化生。蓋當男女相構之時。兩神相合。而成所生男女之形。此精常先其身而生。有氣必有形。其形大是之謂精也。宗氣卽大氣積于上。

發于藏府而宣布于穀精微之氣味此氣薰于皮膚

其身形澤其毫毛誠若霧露之灌溉萬物也營衛上焦

如天是之謂氣也津生于內而腠理發泄于外其汗

出似溱溱然夫是之謂津也穀氣入于胃化爲精微

之氣充于肅澤分注于骨骨屬屈伸洩瀝其骨上通于

腦腦爲髓海從茲補益外而皮膚從茲潤澤夫是之謂

液也營衛生會篇曰中焦亦並胃中出上焦之後此

所受氣者泌糟粕蒸津液化其精微上注于肺脉乃化

而爲血以奉生身故中焦受氣取汁變化而赤夫是之

謂血也宗氣行于經脉之中其脉流布諸經而營氣

從之以行，無所避。匿，天是之謂脉也。

黃帝曰：六氣者，有餘不足，氣之多少，腦髓之虛實，血脈之清濁，何以知之？岐伯曰：精脫者，耳聾氣脫者，目不明津脫者，腠理開，汗大泄，液脫者，骨屬屈伸不利，色夭，腦髓消，脛痠，耳數鳴，血脫者，色白，天然不澤，其脉空虛，此其候也。

此言六氣之脫者，各有其候也。

黃帝曰：六氣者，貴賤何如？岐伯曰：六氣者，各有部主也。其貴賤善惡，可爲常主。然五穀與胃爲大海也。

此言各部爲六氣之主，而胃又爲之大海也。帝問六氣者可較其貴賤否？伯言各部皆有六氣，故六氣各有部

主知陰明多氣多血。太陽多血少氣。五精五液五主五  
然之類。各部皆有之也。然本部所重者。爲貴爲善。別部  
所有者。爲賤爲惡。其本部各爲常主也。但此六氣者。成  
于五穀精微之氣。而胃則納五穀而成之。故胃又爲六  
氣之大海耳。

腸胃第三十一

內言腸胃之  
數故名篇

黃帝問于伯高曰。余願聞六府傳穀者。腸胃之小大長短  
受穀之多少。奈何。伯高曰。請盡言之。穀所從出入。淺深遠  
近。長短之度。唇至齒。長九分。口廣二寸半。齒以後。至會厭  
深三寸半。大容五合。舌重十兩。長七寸。廣二寸半。咽門重

上兩廣二寸半。至胃長一尺六寸。胃紆曲屈伸之長二尺六寸。大一尺五寸。徑五寸。大容三斗五升。小腸後附脊左環廻周疊積其注于廻腸者外附于臍上廻運環十六曲。大二寸半。徑八分。分之少半長三丈三尺。廻腸當臍左環廻周葉積而下。廻運環反十六曲。大四寸。徑一寸。寸之少半長二丈一尺。廣腸傳脊以受廻腸左環葉脊上下辟大八寸。徑二寸。寸之太半長二尺八寸。腸胃所入至所出長六丈四寸四分。廻曲環反三十二曲也。

此言腸胃自所入至所出之度數也。小腸上口胃之下口。小腸後附于脊。從左環廻周疊積其所注之物。以

入于迴腸者。外附于臍上。迴運計環十六曲。大四寸。徑口八分。分之少半。卽三分也。其長三丈三尺。迴腸者。大腸也。大腸上口。卽小腸下口也。大腸當臍左環迴。周葉積而下迴。其運環者。十六曲。大四寸。徑口一寸。寸之少半。卽五分也。長二丈一尺。廣腸者。直腸也。廣腸附脊。以受迴腸之物。左環葉在脊之上下盤辟。大八寸。徑二寸。寸之大半。則是二寸七八分也。其長計二尺八寸。

平人絕穀三十二

內論平人絕穀七日則死故名篇

黃帝曰。願聞人之不食七日而死何也。伯高曰。臣請言其故。胃大一尺五寸。徑五寸。長二尺六寸。橫屈受水穀三斗。

五升。其中之穀常留二斗。水一十五升而滿。上焦泄氣。出其精微。標悍滑疾。下焦下。既諸腸。小腸大二寸半。得八分。分之少半。長三丈二尺。受穀二斗四升。水六升三合。合之大半。迴腸大四寸。徑一寸。寸之少半。長二丈一尺。受穀一斗。水七升半。廣腸大八寸。徑二寸。寸之大半。長二尺八寸。受穀九升三合。八分合之一。腸胃之長。凡五丈八尺四寸。受水穀九斗二升一合。合之大半。此腸胃所受水穀也。平人則不然。胃滿則腸虛。腸滿則胃虛。更虛更滿。故氣得上下。五藏安定。血脈和。則精神乃居。故神者。水穀之精氣也。故腸胃之中。常留穀二斗。水一十五升。故平人日再

後二升半。一日中五升。七日三十五升。而得小穀。其故平人不食飲七日而死者。水穀精氣津液皆竭也。

此詳言平人皆不食而死之故也。平人者。無病之人也。

海論第三十三

內論人有四海故名篇

黃帝問于歧伯曰。余聞刺法于夫子。夫子之所言。不離于營衛血氣。夫十二經脈者。內屬于府藏。外絡于肢節。夫子乃合之于四海乎。歧伯荅曰。人亦有四海。十二經水。經水者。皆注于海。海有東西南北。命曰四海。黃帝曰。以人應之奈何。歧伯曰。人有髓海。有血海。有氣海。有水穀之海。凡此



四者以應四海也黃帝曰遠乎哉夫子之合人天地四海也願聞應之奈何歧伯荅曰必先明知陰陽表裏榮輸所在四海定矣黃帝曰定之奈何歧伯曰胃者水穀之海其輸上在氣衝下至二里衝脉者爲十二經之海其輸上在于大杼下出于巨虛之上下廉膻中者爲氣之海其輸上在柱骨之上下前在于人迎腦爲髓之海其輸上在于其蓋下在風府

此言人之有四海也人有四海者卽下髓海血海氣海水穀之海也十二經水者卽清水渭水海水湖水汝水澠水淮水漯水江水河水濟水漳水也夫天下經常之

水固有十二。而此水皆注于海。海有東西南北之四方。故不曰十二。而止曰四海也。惟胃為水穀之海。其輸穴

上在氣街。即氣衝。天樞下一寸。動脈應手宛宛中。乃衝脈所起也。氣至即為灸三壯。下至三里。內宛宛中。兩筋肉分間。氣至即為灸三壯。

惟衝脈為十二經之血海。其輸穴上

在于足太陽膀胱經之大杼。項後第一椎下。相去脊中

七寸。下出于足陽明胃經之巨虛。上廉與巨虛下廉上

廉三里下三寸。舉足取之。氣三分。灸七壯。下巨虛上

廉下三寸。蹲他舉足取之。氣三分。灸可至七七壯。

惟膾中為氣之海。其輸穴在于督脈經天柱骨之上下。

扶項後髮際大筋外廉陷中。氣三分。留六呼。灸七壯。前在於足陽明胃經之人迎。

頭三寸

頭三寸

十一

頭大脉應手端猴兩步一寸半禁鍼灸

惟腦為髓之海其輸穴在于其

蓋即督脉經之百會

前項後一寸半中

下在于督脉經

之風府

一名舌本項後入髮際一寸

大筋内宛宛中疾

黃帝曰凡此口海者何利何害何生何敗歧伯曰得順者

生得逆者敗知調者利不知調者害

此言四海之得生且利者以其順而善調之否則敗與

害至矣

黃帝曰四海之逆順奈何歧伯曰氣海有餘者氣滿胃中

悅息面赤氣海不足則氣少不足人以言

此言四海之逆順先舉氣海之人偏勝者以言之見其所

以爲逆。反此則爲順也。有餘者。邪氣有餘而實也。不足者。正氣不足而虛也。下文倣此。

血海有餘則常想其身大。憊然不知其所病。血海不足亦常想其身小。狹然不知其所病。

此言血海之偏勝而病者。見其所以爲逆。反此則爲順也。蓋承上文衝脈爲十二經之海者而言耳。

水穀之海有餘則腹滿。水穀之海不足則饑不受穀食。此言水穀之海偏勝則病。見其所以爲逆。反此則爲順也。

髓海有餘則輕勁多力。自過其度。髓海不足則腦轉耳鳴。

脛痠眩冒目無所見懈怠安卧

此言髓海之偏勝而病者見其所以爲逆。及此則爲順也。

黃帝曰。余已聞逆順調之奈何。岐伯曰。審守其輸而調其虛實。無犯其害。順者得復。逆者必敗。黃帝曰。善。

此言善守四海之輸穴以善調之。則有利無害。得順而不得逆也。審四海之穴而善守之。以行補瀉之法。虛則補之。實則瀉之。則有利無害。其順者可復。否則逆而爲敗矣。

五亂第三十四

內言氣有五亂故名篇

黃帝曰經脉十二者。別爲五行。分爲四時。何失而亂。何得而治。歧伯曰。五行有序。四時有分。和順則治。相逆則亂。黃帝曰。何謂相順。歧伯曰。經脉十二者。以應十二月。十二月者。分爲四時。四時者。春秋冬夏。其氣各異。營衛相隨。陰陽已和。清濁不相干。如是則順之而治。黃帝曰。何謂逆而亂。歧伯曰。清氣在陰。濁氣在陽。營氣順脉。衛氣逆行。清濁相干。亂于胷中。是謂大悅。故氣亂于心。則煩心。密嘿。俛首靜伏。亂于肺。則俛仰喘喝。接手以呼。亂于腸胃。則爲霍亂。亂于臂。脛則爲四厥。亂于頭。則爲厥逆。頭重眩仆。悅音悶此言人有五亂。而諸證各有所見也。夫脉與四時而相

合。夫是之謂順也。惟清氣宜升。當在于陽。反在于陰。濁氣宜降。當在于陰。反在于陽。營氣陰性精專。固順宗氣。以行于經隧之中。衛氣陽性慄悍滑利。宜行于分肉之間。今晝未必行于陽經。夜未必行于陰經。其氣逆行。乃清濁相干。亂在胃中。是之謂大悶也。故氣亂于心。或亂于肺。或亂于腸胃。或亂于臂脛。或亂于頭。各有其證候者如此。

黃帝曰。五亂者。刺之有道乎。岐伯曰。有道以來。有道以去。審知其道。是謂身寶。黃帝曰。善。願聞其道。岐伯曰。氣在于心者。取之手少陰心主之輸。氣在于肺者。取之手太陰肺

足少陰輸氣在于腸胃者取之足太陰陽明不下者取之三里氣在于頭者取之天柱大杼不知取足太陽榮輸氣在于臂足取之先去血脉後取其陽明少陽之榮輸

此言治五亂者而各有刺之之穴也道者脉路也邪之

來也必有其道則邪之去也亦必有其道審知其道而

善去之所謂養身之寶此四語雖為刺病而發凡醫工能熟玩之則治病必覓根本用

藥必覓經絡真邪必審補瀉為法也故氣亂于心者當取之手

少陰心經之輸穴神門掌後銳骨端陷中手少陰心主即

厥陰心包絡經之輸穴大陵掌後骨下兩筋間陷中

氣亂于肺者取足太陰脾經榮穴魚際大指本節後內側陷中



腎三呼足少陰腎經之輸穴太谿足內踝後跟骨上動

氣在于腸胃者取之足太陰脾經之輸穴

太白足大指內側內踝前足陽明胃經之輸穴陷

谷足次指外間本節後指中去內如刺之而邪氣不下

當取足陽明胃經之三里氣在于頭者取之足太陽

膀胱經之天柱項後髮際大筋外廉后中鉞二分留

又取于本經之大抒如取之而病尚不知又當取本經

之榮穴通谷通谷足小指外側本節前陷中

鉞外側本節後赤白肉際氣在于臂足者當先去

其臂足之血脉然後在臂則取手陽明大腸經之榮穴

二間食指本節前內兩陷中輸穴三間食指本節後內

壯三手少陽三焦經之榮穴液門手四指間陷中

壯三輸穴中渚手四指本節後陷中即液門下在足則

取足陽明之榮穴內廷足次指外間內側陷輸穴陷谷

足次指本節後陷中去內廷足少陽膽經之榮穴俠谿

足四指岐骨間本節前陷輸穴臨泣足四指本節後間

中鍼三分留三呼灸三壯輸穴臨泣足四指本節後間

黃帝曰補寫奈何岐伯曰徐入徐出謂之道氣補寫無形

謂之同精是非有餘不足也亂氣之相逆也黃帝曰允乎

哉道明乎哉論請著之玉版命曰治亂也

此言治五亂者。惟以導氣不與補寫有餘不足者同法也。凡有餘者。則行寫法。不足者。則行補法。今治五亂者。則其鍼徐入徐出。導氣復故而已。不必泥定補寫之形。以其精氣相同。非真有餘與不足也。不過亂氣之相逆耳。何必以補寫爲哉。

張論第三十五

內詳論藏府脹由形治法故名篇

黃帝曰。脉之應于寸口。如何而脹。歧伯曰。其脉太堅以瀉者。脹也。黃帝曰。何以知藏府之脹也。歧伯曰。陰爲藏。陽爲府。

此言據脉可以知脹。陰脉屬藏。而陽脉屬府也。脉見寸

口其脉大者以邪氣有餘也其脉堅者以邪氣不散也其脉澁者以氣血遊滯也故爲脹然脉大而堅者爲陽脉其脹在六府脉澁而堅者爲陰脉其脹在五藏也

黃帝曰夫氣之令人脹也在于血脉之中耶藏府之內乎

歧伯曰三者一云三者皆存焉然非脹之舍也黃帝曰願聞脹

之舍歧伯曰夫脹者皆在于藏府之外排藏府而郭胃腸

脹皮膚故命曰脹黃帝曰藏府之在胃腸腹裏之內也若

匣匱之藏禁器也各有次舍異名而同處一域之中其氣

各異願聞其故此處必關黃帝曰未解其意再問歧伯曰

夫胃腹藏府之郭也膺中者心主之宮城也胃者太倉也

咽喉小腸者。傳送也。胃之五竅者。間里門戶也。廉白主英者。津液之道也。故五藏六府者。各有畔界。其病各有形狀。營氣循脉。衛氣逆為脉脹。衛氣並脉循分為膚脹。一主而寫近者一下。遠者三下。無問虛實。工在疾寫。按黃帝內經本紀記其民不

習偽官不懷私市不預價城壙不開則此時有宮城矣

此明言脹之所舍。而脹則成于衛氣之逆。其法在于急寫三里也。夫脹不在于血脉之中。亦不在于藏府之內。乃在于藏府之外。胃腸之內。排其藏府。而以胃腸為郭。其皮膚亦為之脹。此則脹之所舍也。且藏府在胃腸腹裏之內。雖同處于一域。然其病各有所異者。以其各有

脾胃也。故胃腸爲藏府之郭。膻中爲心主之宮城。胃爲  
太倉。咽喉小腸爲傳送水穀之道。胃有五竅。爲閤。門  
戶。廉泉玉英。卽玉堂。俱任脉經穴。爲津液之道。所以藏府各有畔  
界。而病亦各有形狀也。然其所以脹者。不在于營氣。而  
在于衛氣。蓋營氣陰性精專。隨宗氣行。不能爲脹。唯衛  
氣逆行。則並脉循分肉者。始爲脉脹。而成爲膚脹耳。是  
以胃爲藏府之海。而三里爲胃經之合。當寫其三里。病  
近者。一次寫之。病久者。三次寫之。不必拘其虛實。而工  
在于急。爲之也。

黃帝曰。願聞脹形。歧伯曰。夫心脹者。煩心短氣。卧不安。肺

脹者虛滿而喘欬。肝脹者脇下滿而痛。引小腹脾脹者善噦。四肢煩惋體重不能勝衣。卧不安。腎脹者腹滿引背。中央然腰髀痛。

此下二節明上節之病各有形狀而此節以五藏之脹形言之也。

六府脹胃脹者腹滿胃脘痛鼻聞焦臭妨于食大便難。大腸脹者腸鳴而痛濯濯冬日重感于寒則飧泄不化。小腸脹者少腹脹引腰而痛膀胱脹者少腹滿而氣滯三焦脹者氣滯于皮膚中輕輕然而不堅。膽脹者口苦善太息。

此以六府之脹形言之也

按六府氣脈病形篇有大腸者諸證與此同

凡此諸脹者其道在一明知逆順鍼數不失寫虛補實神去其室致邪失正真不可定粗之所敗謂之天命補虛無實神歸其室久塞其空謂之良工其久塞其空虛則神亡其久塞其空皆正氣充塞

此言治脹之法補寫有得失而鑒工分高下也

黃帝曰脹者焉生何因而有此伯曰衛氣之在身也常然並味循分肉行有逆順陰陽相隨乃得天和五藏更始四時有序五穀乃化然後厥氣在下營衛留止寒氣逆上真邪相攻兩氣相搏乃合為脹也

此言脹之所由生也衛氣之行于人身晝行于陽經夜



行了陰經並脉循分肉而行。出入之間自有逆順。陰陽相隨乃得天和。故五藏隨時以更始。五穀自化。惟厥氣從下而逆。則營衛遂失其常。而留止不行。寒邪隨厥氣以上行。真邪相攻。兩氣相搏。乃合而爲脹耳。上文言衛氣逆爲脉脹。又並脉循分肉爲膚脹者。此可見矣。

黃帝曰。善。何以解惑。歧伯曰。合之于真。三合而得。帝曰。善。黃帝問于歧伯曰。脹論言無間虛實。主在疾。無近者。一下遠者。三下。今有其三而不下者。其過焉在。歧伯對曰。此言陷于肉盲而中氣穴者也。不中氣穴。則氣內閉。鍼不陷。盲則氣不行。上越中肉。則衛氣相亂。陰陽相逐。其于脹也。當

無不傷氣故不下。三而不下。必更其道。氣下乃止。不下復始。可以萬全。烏有殆者乎。其于脹也。必審其脘。當寫則寫。當補則補。如鼓應絃。惡有不下者乎。

此言脹之愈與不愈。在于鍼之有得失也。上文言脹貴于急寫。近者一下。遠者三下。今下之者三。而病有不下者。正以邪之陷于肉。而中于氣穴。故鍼之者。必當中于氣穴。肉可也。蓋不中氣穴。則邪氣必閉于肉。鍼不陷肉。則邪氣不行于外。致使此邪上越。所刺之肌肉間。則衛氣相亂。陰陽諸經相乘。而逐其脹。當寫不寫。邪故不下。三而不下。必更其道。務使氣下而止。鍼設若不

下又復始鍼。庶可以萬全也。且驗脹之退否。脉脹則脹。脹則寫之。脉退則退。退則補之。其法有如此者。

五癰津液別第三十六

別彼旁切。內論五液而病。爲水脹。則必爲癰。故名篇。

黃帝問于歧伯曰。水穀入于口。輸于腸胃。其液別爲五。天寒衣薄。則爲溺。與氣天熱衣厚。則爲汗。悲哀氣并。則爲泣。中熱胃緩。則爲唾。邪氣內逆。則氣爲之閉塞而不行。不行則爲水脹。余知其然也。不知其所由生。願聞其道。歧伯曰。水穀皆入于口。其味有五。各注其海。津液各走其道。故三焦出氣以溫肌肉。充皮膚。爲其津。其流而不行者爲液。天暑衣厚。則腠理開。故汗出。寒留于分肉之間。聚沫則爲癰。

天寒則腠理閉氣濕不行水下流于膀胱則爲溺與氣  
藏六府心爲之主耳爲之聽目爲之候肝爲之相府爲之  
將脾爲之衛腎爲之主外故五藏六府之津液盡上滲于  
口心悲氣并則心系急心系急則肺舉肺舉則液上溢夫  
心系與肺不能盡舉乍上乍下故欬而泣出矣中熱則胃  
中消穀消穀則蟲上下作腸胃充郭故胃緩胃緩則氣逆  
故唾出

此言五液之所由生也。伯言入之所以有津與液者。正  
以水穀皆入于口。其味有五。各上注其氣于氣海之中。  
精爲宗氣。津液各走其道。故三焦者。上焦爲宗氣之所

出中焦爲營氣之所出。下焦爲衛氣之所出。共出其氣以溫外之肌肉。充外之皮膚者爲津。其在內之流而不行者爲液。人之所以有汗者。正以天暑衣厚則人之腠理開。故汗出。若有寒氣留于分肉之間。則冰聚而爲痛也。人之所以有溺與氣者。正以天寒則腠理閉。內之氣與濕俱不行。其水下留于膀胱。則爲前溺。與後氣耳。一人之所以有泣者。正以五藏六府。心爲之大主。而耳目肺肝脾腎皆所以輔相此心者也。人義見素問靈蘭秘典論十二使中故五藏六府之津液盡上滲于目。如心悲氣并。故心系急。肺葉舉。液隨之而上溢。此泣之所由出也。蓋心

系以肺不能盡舉。本乍上而乍下者。今心系急而肺葉  
舉所以欬而泣出也。人之所以有唾者。正以胃中熱  
則消穀。消穀之時。蟲必上下交作。穀既消盡。腸胃亦已  
充郭。故胃亦寬緩。胃寬則氣得上逆而升。唾斯隨氣而  
上出也。

五穀之精液和合而爲高者。內滲入于骨空。補益腦髓而  
下流于陰股。陰陽不和。則使液溢而下流于陰。髓液皆減  
而下。下過度則虛。虛故腰背痛而脛痠。陰陽氣道不通。四  
海閉塞。三焦不寫。津液不化。水穀并于腸胃之中。別于迴  
腸。留于下焦。不得滲膀胱。則下焦脹。水溢則爲水脹。此津

液五別之逆順也

高當作膏。上別如字。下別。較劣。切。水。服。又見本經水脈論。只當與前篇參看。

此原水脹之所由成也。五穀精液合而成爲膏者。滲入于骨空之中。及補益腦髓。以下流于陰股。惟陰陽各經之氣不和。則液溢而下流于陰器矣。其髓液皆減而下行。下行過多。則必虛。故腰背痛而脛痠。斯時也。陰陽之氣道不通。四海閉塞。以海論之。四海。三焦不能輸寫。其精液無自而化。其水穀并居于腸胃之中。別于迴腸。而不入留于下焦。而不行。不得滲入膀胱。故下焦脹而水溢。遂使水脹之病所由成也。此乃津液五別之逆順。如此。

黃帝內經靈樞註證發微卷之四

終

黃帝內經靈樞註證發微卷之五

大明太醫院正文

會稽縣志玄臺子馬蔣仲化註證一

弟舉人

燦姪孫馬貞同仝校

五閱五使第三十七

內有五閱以觀五氣及五氣為五藏之使故各

黃帝問于歧伯曰余聞刺有五官五閱以觀五氣五氣者

五藏之使也五時之副也願聞其五使當安出歧伯曰五

官者五藏之閱也黃帝曰願聞其所出今可為常歧伯曰

脉出于氣口色見于明堂五色更出以應五時各如其藏

經氣入藏必當治裏

按本紀云帝命俞跗岐伯雷公察明堂齊息脉

此言五官為五藏之外閱而五色尤驗于明堂也夫刺



法有五官。如下文鼻爲肺之官。口爲肝之官。舌爲脾之官。舌爲心之官。耳爲腎之官者是也。此五官者可互閱以觀青黃赤白黑之五氣。正以五氣者。乃五藏之所使。如肝青心赤脾黃肺白腎黑是也。又五時之所別。如春肝夏心至陰脾秋肺冬腎是也。但五氣所出。可以常驗五藏者。正以脉雖出于氣口。而五色必見于明堂。其五色迭出。以應五時。各如其常。惟外經邪氣入藏。必當從裏以治之。蓋由外固可以知內。而病在于裏。得以治外也。

帝曰。善。五色獨決于明堂乎。岐伯曰。五官已辯。闕庭必張。

明堂問堂廣大，故凡外方，皆高基，引垂居外，五色乃合，平博廣大，壽中百歲，凡此者，刺之必已。如是之人，者血氣有餘，肌肉堅緻，故可引，可以城。

此乃五色，雖決于明堂，而此諸部博大者，壽必高而病

易已也。

按本經五色篇，雷公曰：五色獨決于明堂者，黃

帝曰：外如是者，壽必中百歲。雷公曰：五官之辨奈何？

黃帝曰：明堂骨高以起，以直五藏，次于中央，六府挾

其外側，首面上下，關處七宮，在下，怪五藏安于胃中。

帝以五色獨決于明堂為

疑，伯言五官在外，曉然可辨，其關上者咽喉也，關中者

肺也，即兩眉之間也，庭者額中也，即首面也，頰也，必開

而張乃立明堂以閤之。明堂者鼻也。其明堂廣大而爲  
蕃爲蔽者。又見于外。蓋頰側謂之蕃耳門謂之蔽耳。四  
周之壁旣方。地角之基又高。引垂向外。五色又順平。博  
廣大壽。當中百歲也。設有病時。見此五色。則刺之而病  
必已。蓋如是之人。血氣有餘。肌肉堅緻。故可苦之以鍼  
而刺之也。

黃帝曰。願聞五官。岐伯曰。鼻者肺之官也。目者肝之官也。  
口唇者脾之官也。舌者心之官也。耳者腎之官也。

此言五官之所在也。肺在內而鼻爲之竅。所以司呼吸  
也。故爲肺之官。肝在內而目爲之竅。所以別五色也。故

爲肝之官。脾在內。而口唇爲之竅。所以納五穀也。故爲脾之官。心在內。而舌爲之竅。所以辨五味也。故爲心之官。腎在內。而耳爲之竅。所以聽五聲也。故爲腎之官。

黃帝曰。以官何候。歧伯曰。以候五藏。故肺病者。喘息鼻張。肝病者。眦青。脾病者。唇黃。心病者。舌卷短。顙赤。腎病者。頰

與頰黑。

卷上

此言五官可以候五藏之病也。鼻爲肺之官。故肺病者。當病喘息。其鼻乃張。目爲肝之官。故肝病者。其目眦必青。唇爲脾之官。故脾病者。其唇必黃。舌爲心之官。故心病者。其舌必卷而短。顙亦必赤。耳爲腎之官。

故腎病者。顴與頰皆黑也。

黃帝曰。五脉安出。五色安見。其常色殆者如何。歧伯曰。五

官不辨。闕庭不張。小其明堂。蕃蔽不見。又卑其牆。牆下無

基。垂角去外。如是者。雖平常殆。况加疾哉。

卑音碑

此言諸部狹小者必殆也。五藏之脉安所從出。五藏之

色安所從見。其常色見者。而又至于危。皆帝之所疑也。

伯言人之五官不可明辨。闕庭又不張。明堂又狹小。蕃

蔽不可見。其牆又卑。牆下無基。垂角向外。如是者。雖無

形而平常尚有殆者。况加之以有病哉。

黃帝曰。五色之見于明堂以觀五藏之氣。左右高下各有

形下。歧伯曰。府藏之在中也。各以次舍。左右上下。各如其度也。

此言面部之左右上下。各如府藏在中之次舍。所以可觀五色于明堂也。帝問五色見于明堂者。可以觀五藏之氣。然左右上下。各有形可驗。而一如其在中之度乎。

伯言府藏之在中也。各有次舍。而面部之左右上下。悉如其在中之度耳。故可以觀而知也。

者咽喉也。關中者。起于上。心已下。下者肝也。肝左者。肺也。下者脾也。方上者。心已下。下者肝也。肝左者。腎也。當腎者。脾也。王以心前小腸也。面王以下者。膀胱子處也。顴者。有也。顴後者。腎也。腎下者。手也。目內眦上者。膚乳也。扶繩而上者。背也。顴以下者。足也。巨分者。中央者。臍也。臍以下者。胫也。當臍以下者。足也。巨分者。

股裏也。巨屈者膝腠也。此五藏六府之部分也。此節當與五色篇圖形參看。

逆順肥瘦第三十八  
首節有行之逆順衛分肥瘦壯幼等刺法故名篇

黃帝問于歧伯曰。余聞鍼道于夫子衆多罪悉矣。夫子之道應若失而據未有堅然者也。夫子之問學孰乎。將審察于物而心生之乎。歧伯曰。聖人之爲道者。上合于天。下合于地。中合于人事。必有明法。以起度數。法式檢押。乃後可傳焉。故匠人不能釋尺寸而意短長。廢繩墨而起平水也。工人不能置規而爲圓。去矩而爲方。知用此者。固自然之物。易用之教。逆順之常也。黃帝曰。願聞自然奈何。歧伯曰。臨深決水。不用功力而水可竭也。循掘決衝。而經可通也。

此言氣之滑澁血之清濁行之逆順也

此言鍼道一本于自然之妙也。帝問鍼道畢陳若有所失而據守難堅。未知由學問而熟抑亦由心而生。伯言聖人之爲鍼道者合于三才必有明法以起度數其法式檢押乃可傳之後世也。譬之工匠必用尺寸繩墨規矩以爲長短平水。萬物之平莫過于小故曰平水方同此乃自然之道其爲教易行其行之逆順有常能循其法譬之臨深決水循樞決衝而水易竭經可通也何也正以人之氣有滑澁血有清濁行有逆順皆有自然之妙故耳

黃帝曰願聞人之白黑肥瘦小長各有數乎岐伯曰年質



壯大血氣充盈膚革堅固。因加以邪刺此者。深而留之。此  
肥人也。廣肩腋。項肉薄。厚皮而黑色。唇臨臨然。其血黑以  
濁。其氣滯以遲。其爲人也。貪于取與。刺此者。深而留之。多  
益其數也。

此言刺肥人之有法也。各有數者。各有刺鍼之數也。深  
而留之者。深入其鍼而久留之也。此乃刺肥人之數。而  
下所言貪夫體色氣血。其法宜同。故并及之。且其數又  
加益也。

黃帝曰。刺瘦人奈何。岐伯曰。瘦人者。皮薄色少。肉廉廉然。  
薄唇輕言。其血清氣滑。易脫于氣。易損于血。刺此者。淺而

疾之少去聲

此言刺瘦人之有法也。廉薄也。疾速也。言此等瘦人，若深而留之，則氣易脫而血易損，故必淺入其鍼而速去之也。

黃帝曰：刺常人奈何？歧伯曰：視其白黑，各爲調之。其端正敦厚者，其血氣和調，刺此者無失常數也。

此言刺常人之有法也。常人者，不肥不瘦之人也。視其人之白者，常調以瘦人之數；黑者，則用肥人之數。有等端正敦厚，與上貪于取與者異，其血氣必和調也。刺之者，固不如肥人之久以留之，亦不如瘦人之淺以疾之。

但無失其常數而已

黃帝曰刺壯士真骨者奈何歧伯曰刺壯士真骨堅肉緩節監監然此人重則氣滑血濁刺此者深而留之多益其數勁則氣滑血清刺此者淺而疾之

此言刺壯士真骨之有法也有等壯士肉少而骨粗者其肉堅其節緩監監然其力難動此人者其體若重則氣必滑而血必濁刺此者深而深其鍼而久留之如肥人之數其體若輕而勁則氣必滑而血必清刺此者當淺其鍼而疾去之如瘦人之數也

黃帝曰刺嬰兒奈何歧伯曰嬰兒者其肉脆血少氣弱刺

此者以毫鍼淺刺而疾發鍼日再可也

此言刺嬰兒之有法也。毫鍼者九鍼論七曰毫鍼取法于毫毛其鍼宜淺其發鍼宜速日再者寧一日之內復再刺之不可久留其鍼也

黃帝曰臨深決水奈何岐伯曰血清氣濁疾瀉之則氣竭焉黃帝曰循掘決衝奈何岐伯曰血濁氣滯疾瀉之則經可通也氣濁之濁當作滑

此承首節而言臨深決水循掘決衝之義也所謂臨深決水者正以比人之血清氣滑者疾瀉之而邪氣遂竭猶之臨深淵以決放其水不用功力而水可竭也所謂

循拙決衝者。正以比人之血濁氣滯者。疾寫之而經脉可通。猶之循其所拙之處。仍用力以并拙之。而水可通也。皆指寫法而言。而自然之妙寓其中矣。

黃帝曰。脉行之逆順奈何。歧伯曰。手之三陰從臧走手。手之三陽從手走頭。足之三陽從頭走足。足之三陰從足走臧。

此承首節而言。脉之逆順。以各經之所行者。有自上而下。或自下而上也。手之三陰從臧走手者。太陰肺經從中府而走大指之少商。少陰心經從極泉而走小指之少衝。厥陰心包絡經從天池而走中指之中衝也。手

之三陽。從手走頭者。陽明大腸經。從次指商陽而走頭。  
之迎香。太陽小腸經。從小指少澤而走頭之聽宮。少陽  
三焦經。從四指之關衝而走頭之絲竹空也。足之三  
陽。從頭走足者。太陽膀胱經。從頭睛明而走足小指之  
至陰。陽明胃經。從頭頭維而走足次指之厲兌。少陽膽  
經。從頭前關而走足四指之竅陰也。足之三陰。從足  
走腹者。太陰脾經。從足大指內側隱白而走腹之大包。  
少陰腎經。從足心湧泉而走腹之俞府。厥陰肝經。從足  
大指外側大敦而走腹之期門也。夫手之陰經自藏而  
走手爲順。則自手而走藏爲逆。手之陽經自手而走頭

爲順則自頭而走于爲逆足之陰經自足而走腹爲順則自腹而走足爲逆足之陽經自頭而走足爲順則自足而走頭爲逆所謂脉有逆順者如此

黃帝曰少陰之脉獨下行何也歧伯曰不然夫衝脉者五藏六府之海也五藏六府皆稟焉其上者出于顏頤滲諸陽灌諸精其下者注少陰之大絡出于氣街循陰股內廉入膕中伏行筋骨內下至內踝之後屬而別其下者並于少陰之經滲三陰其前者伏行出跗屬下循跗入大指間滲諸絡而溫肌肉故別絡結則跗上不動不動則厥厥則寒矣黃帝曰何以明之歧伯曰以言導之切而驗之其非

必動然後乃可明逆順之行也黃帝曰審乎哉聖人之爲道也明于日月微於毫釐其非夫子孰能道之也

此言腎脉之下行者以衝脉入腎之終而與之並行也夫足之二陰從足走腹而獨有足少陰腎經之脉繞而下行與肝脾直行者別何也正以衝脉與之並行故耳蓋衝脉者起于足陽明胃經之氣衝穴爲五藏六府之海而藏府之氣皆稟焉其上則出于顙顙滲諸陽經以薄諸經之精下注于少陰腎經之大絡曰大鍾者以出于氣衝又循陰蹻之內廉以入于腠中伏行筋骨之內下至內踝之後凡所屬之別于下者並由少陰之經滲



其脾腎肝之三經此則在後廉者然也其在前者伏行  
出于足面之跗上屬于下之湧泉入循跗以入大指間  
滲諸絡而溫肌肉故別絡有邪相結則跗上之脉不動  
不動則氣厥逆而足冷矣然何以知之導病者以言切  
病者以脉其跗上果非必動乃可以明不動之爲逆動  
之爲順而其有邪與否明矣

血絡論第三十九

內論邪在血絡及  
刺法與應故名篇

黃帝曰願聞其奇邪而不在經者歧伯曰血絡是也黃帝  
曰刺血絡而仕者何也血出而射者何也血少黑而溺者  
何也血出清而半爲汁者何也發鍼而腫者何也血出而

多若少。而面色蒼蒼者何也。熱減而面色不變而煩悅者何也。多出血而不動搖者何也。煩聞其故。岐伯曰。肺氣盛而血虛者。刺之則脫氣。脫氣則什血氣俱盛而陰氣多者。其血滑。刺之則射。陽氣蓄積。久留而不寫者。其血黑以濁。故不能射。新飲而液滲于絡。而未合和于血也。故血出而汁別焉。其不新飲者。身中有水。久則爲腫。陰氣積于陽。其氣因於絡。故刺之。血未出而氣先行。故腫。陰陽之氣。其新相得而水和合。因而寫之。則陰陽俱脫。太裏相離。故脫。色而蒼蒼然。刺之血出多。色不變而煩悅者。刺絡而虛經。虛經之。寫于陰者。陰脫。故煩悶。陰陽相得而合爲痺者。此爲

內溢于經外注于絡如是者陰陽俱有餘雖多出血而弗能虛也

此詳言刺血絡而其應異者之義也奇邪不日之邪也奇邪在各篇不一本經口問篇亦有奇邪二字上奇邪口問言奇邪走下空竅而此則奇邪走下而此奇邪不在于經故在于血絡也然有刺血絡而什者何也正以脉有氣盛而血虛者必瀉其氣以補其血故刺之則脫氣脫氣則什也 有刺血絡而血出漂射者何也正以血氣俱盛而內焉陰氣多者其血必滑故刺之則射也 有刺血絡而血出甚少且黑色而濁者何也正以陽氣蓄積久留不瀉其血黑以濁故不能射也 有刺

血終而血出最清內有半清汁者何也正以新飲之際而液滲血終未得合和于血故血出而半爲汁也有刺血終而發鍼乃腫者何也正以不吹者身中有水久則爲腫陰氣積于陽分其氣聚于血絡之中故刺之時血尚未出而氣乃先行所以發鍼而腫也有血出者多若少而面色蒼蒼然似有脫色者何也正以營衛二氣暫時相得尚未和合因而寫之則陰陽俱脫表裏相離故其色脫而蒼蒼然也有刺血絡而血出多色不變然內焉煩悶者何也正以刺絡而經虛其經之屬于陰者陰脫故煩悶也有刺血絡出血已多而其身

不動搖者何也。正以營衛相得，合成痺病者，此其邪氣內溢于經外，注于絡，則陰陽俱以邪氣而有餘，雖血多出而弗能虛，所以不至動搖也。

黃帝曰：相之奈何？岐伯曰：血脉者，盛則橫以赤，上下無常；瘦小者如鍼，大者如筋，則而寫之，萬全也。故無失數矣。失數而反，各如其度。同例

此言視血絡之法也。相視也。血絡者，必盛且堅，及橫以赤。其上下無有常處，小如鍼而大如筋，必側其鍼以迎而寫之，可以萬全。故無失上文刺而絡之術數也。若失其術數而與法相反，則凡或什或貳等證，各如其度，以

相應矣

黃帝曰。鍼入而肉著。何也。歧伯曰。熱氣內于鍼。則鍼熱熱

則肉著于鍼。故堅焉。著者同

此言鍼入而肉之所以著也。蓋以鍼入于肉。肉中熱氣  
溫之于鍼。則鍼熱。鍼熱則肉著于鍼。故不惟熱而又堅  
不可拔也。

陰陽清濁第四十

陰陽者。陰經陽經。受氣清濁。故名篇。

黃帝曰。余聞十二經脈。以應十二經水。在其五色各異。清  
濁不同。人之血氣。若一。應之奈何。歧伯曰。人之血氣。苟能  
右一。則天下為一矣。惡有亂者乎。黃帝曰。余聞一人非問

天下之衆岐伯曰夫一人者亦有亂氣天下之衆亦有亂

人其合爲一耳

夫惡去聲  
夫音扶

此言人之血氣不能爲一。所以有亂氣也。經水循言人手足各有三陰三陽合爲十二經脉以應十二經水。如足太陽外合于清水而內屬于膀胱。足少陽外合于渭水而內屬于膽之類是也。所以十二經合于五行五行別爲五色。今與十二經水而相應則五色各異。清濁必不相同矣。倘其間有人之氣血如一。無清無濁則欲分而應彼十二經水也。奈何。伯言人中之氣血必不能合之而爲一也。苟人之氣血可以爲一則世之天下皆可

以爲一矣。惡有氣血之亂者乎。遂言余之所問止就一人之身耳。非問天下之衆也。言自一人之身而言。必有亂氣。猶天下之衆必有亂也。其理可合之爲一耳。故知天下必有亂人。則一人必有亂氣也。焉得謂氣血爲一哉。所以必與經水之清濁不同者。而相應也。

黃帝曰。願聞人氣之清濁。岐伯曰。受穀者濁。受氣者清。清者注陰。濁者注陽。濁而清者。上出于咽。清而濁者。則下行。清濁相干。命曰亂氣。

此承上文而言亂氣之義。自其清濁相干者成之也。大



凡人身之氣始時受穀氣者六府也其府為瀦繼而穀氣化為精微之氣從上而出則受此精微之氣亦五藏也其藏為清惟清者注之于陰經正所謂精微之氣也惟濁者注之于陽經正所謂渣穢之物也然清濁本非二物而陰陽互相為用其陽經之濁中有清者上出于咽喉本經憂患無言篇言咽喉者水穀之道路也人之後喉通于六府俗謂之食喉其陰經之清中有濁者則其氣下憂患無言篇言喉嚨者氣之所以上下者也人之前喉通于五藏俗謂之氣喉此喉嚨所以出清氣而濁者則下降也山下節觀之則喉嚨為上而十二經皆為下耳惟陰與陽不升降則清

與濁始相犯而氣之所以有亂者也

黃帝曰大陰清而陽濁濁者有清清者有濁清濁別之奈何其伯曰氣之大別清者上注于肺濁者下走于胃胃之清氣上出于口肺之濁氣下注于經內積于海首別字音繁次別字

字如

此承上文而明陰經清而陽經濁濁中有清而清中有濁之義也蓋氣之大別而分者受氣者清故清者上注于肺肺為陰所以曰受氣者清而清者注陰也受穀者濁故濁者下走于胃所以曰受穀者濁而濁者注陽也且胃之清氣上出于口即咽喉為水穀之道路所以曰

濁而清者。上出于咽也。肺之濁氣。下注于十二經。而內積于膈中之氣海。即喉嚨爲氣之上下。所以曰清而濁者。則下行也。焉得謂清濁爲無別耶。

黃帝曰。諸陽皆濁。何陽獨甚乎。歧伯曰。手太陽獨受陽之濁。手太陰獨受陰之清。其清者。走空竅。其濁者。下行諸經。諸陰皆清。是太陰獨受其濁。

此言陽經受濁。而小腸爲尤端。陰經受清。而肺經爲尤清。然陰經雖皆受清。而脾則獨受其濁也。帝問諸陽經皆受濁氣。何陽經獨受濁氣。世伯言手太陽小腸經者。則上承胃之所受脾之所

其水穀尚未及分而穢

汗俱存。此所以獨受陽經之最濁者也。其爲濁之濁也。且諸陰經皆受清氣。何陰經獨受清氣之甚。唯手太陰肺經則爲五藏之華蓋。獨受陰經之最清者也。故肺經之清氣上走于空竅之中。而其清氣下行。十二經及內積下膈中之氣海。則肺最居上。所以獨受陰經之清也。其爲清之清乎。然諸陰皆受清氣。唯足太陰脾經則胃中濁氣賴以運化。所謂獨受其濁也。其爲清中之濁乎。

黃帝曰。治之奈何。歧伯曰。清者其氣滑。濁者其氣濇。此氣之常也。故刺陰者深而審之。刺陽者淺而疾之。清濁相干。

者以數調之也

此言刺清濁者必分陰陽諸經而刺清濁相干則以術數而調之也清氣屬陰故陰經必清其氣必滑濁氣屬陽故陽經必濁其氣必澀此乃氣之常也然陰者主裏既曰清而濁者則下行又曰肺之濁氣下行諸經故凡刺陰經者必深其鍼而久留之陽者主表既曰濁而清者上出于咽又曰胃之清氣上出于口故凡刺陽經者必淺其鍼而疾去之其或清者不升而濁者不降乃清濁相干也當以術數而調之陰經或淺而疾之陽經或深而留之不可以爲常也乃一時權變之宜耳

陰陽繫日月第四十一

日者即曆書之十日也月者即曆書之一月也天與人之

陰陽相合而足經應月手經應日故名篇

黃帝曰余聞天爲陽地爲陰日爲陽月爲陰其合之于人奈何岐伯曰腰以上爲天腰以下爲地故天爲陽地爲陰故足之十二經脈以應十二月月生于水故在下者爲陰手之十指以應十日日主火故在上者爲陽

此言人身之陰陽合于天之陰陽也積陽爲天故天爲陽積陰爲地故地爲陰日爲陽之精而曆家紀日者以之月爲陰之精而曆家紀月者以之其以人之身而合之日月者奈何伯言人身腰已上爲天腰已下爲地

六微旨大論云。天樞之上。天氣主之。天樞之下。地氣主之。天氣六之分。人氣從之。王註云。天樞。空在膈之兩旁。天樞正當身之中。分應天。下分應地。中唯腰已上為分應氣交。天地之氣交合之際。謂之氣交。唯腰已上為天。則體在腰之上者。為天屬陽也。唯腰已下為地。則體在腰之下者。為地屬陰也。故足者。腰之下也。足有三陽三陰。左右共十二經。則與十二月而相應。正以十二月者。十二支為陰也。蓋月生于水。水與月皆為陰。宜足之在下為陰者。應之也。手者。腰之上也。手有十指。則與十日而相應。每月之內有三旬。每旬計十三日。正以每旬者。乃十干為陽也。蓋日主于火。火與日皆為陽。宜手之在上為陽者。應之也。

黃帝曰。合之于脉。余何。歧伯曰。寅者正月之生陽也。主左  
足之少陽。未者六月。主右足之少陽。卯者二月。主左足之  
太陽。午者五月。主右足之太陽。辰者三月。主左足之陽明。  
巳者四月。主右足之陽明。此兩陽合于前。故曰陽明。申者  
七月之生陰也。主右足之少陰。丑者十二月。主左足之少  
陰。酉者八月。主右足之太陰。子者十一月。主左足之太陰。  
戌者九月。主右足之厥陰。亥者十月。主左足之厥陰。此兩  
陰交盡。故曰厥陰。

此言足之十二經。合十二月之十二支者。以其皆為陰  
也。夫十二月。固以其屬十二支而為陰矣。然自正月以



至六月為陰中之陽自七月以至十二月為陰中之陰

但前六月之正二三月又為陰中之少陽故屬左足之

三陽四五月為陰中之太陽故屬右足之三陽是以

正月建寅為陽之生主左足之少陽乃膽經脈氣所屬

也六月建未則右足之少陽上兩足第四二月建

卯主左足之太陽蓋自少而之太乃膀胱經脈氣所屬

也五月建午則右足之太陽兩足小指外三月建辰

主左足之陽明胃經脈氣所屬也四月建巳則為右

足之陽明指且陽明之義謂何正以正二五六

月為少陽太陽三四月居於其中則彼兩陽合明于

其後七月八月九月爲陰中之陰

故屬右足之三陰十月十一月爲陰虛陽生故屬左

足之三陰是以七月建申爲陰之生土右足之少陰乃

腎經脉氣所行也。十二月建丑，則爲左足之少陰。心開足出

內經曰上八月建酉主右足之太陰乃脾經脉氣所行

也十一月建子。則爲左足之太陰。兩足大指內側。九月

建戌主右足之厥陰乃肝經脉氣所行也十月建亥則

爲左足之厥陰指外側且厥陰之義謂何正以

七月八月爲陰之初生而十一月十二月爲陽之初生惟

九十月則爲兩陰之盡故曰厥陰也厥者盡也

甲主左手之少陽，乙主右手之少陽，丙主左手之太陽，戊主右手之太陽，丙主左手之陽明，丁主右手之陽明，此兩火并合，故為陽明。庚主右手之少陰，辛主左手之少陰，壬主左手之太陰，此言手之十指合十日之十干者，以其皆為陽也。夫十日固以其屬十干而為陽矣，然自甲至己為陽中之陰，而自庚至癸為陽中之陰，是以甲日主左手之少陽，乃三焦經脈氣所行也，而己日則主右手之少陽，兩手第氣所行也，乙日主左手之太陽，以自少之太，乃小腸經脈氣所行也，而戊日則主右手之太陽，兩手小指外側氣所行也，丙

日主左手之陽明乃大腸經脉氣所行也而丁日則屬

右手之陽明

謂手次指已上脉氣所行

所謂陽明者以少太二陽

火并合也庚日主右手之少陰乃心經脉氣所行也而

癸日則屬左手之少陰

謂手小指內廉上脉氣所行

辛日主右手之


太陰乃肺經脉氣所行也而壬日則屬左手之太陰

大指內側已上脉氣所行

自壬至丙皆屬左手自丁至辛皆屬右手

手之十指所屬者如此

圖之目十應以指十手



# 圖之月二十應以經二十足



是之陽者陰中之少陽也。足之陰者陰中之太陰也。手之陽者陽中之太陽也。手之陰者陽中之少陰也。腰以上者爲陽，腰以下者爲陰。其於五藏也，心爲陽中之太陽，肺爲陽中之少陰，肝爲陰中之少陽，脾爲陰中之至陰，腎爲陰中之太陰。

此結上文手足所屬之干支，左右各有陰陽少太之義，而至于五藏在人，亦有陰陽少太之義也。夫由足之十二經脉，應十二月之十二支者，觀之則正月左足少陽，二月左足太陽，三月左足陽明，四月右足陽明，五月右足太陽，六月右足少陽，則是足之屬陽經者，正以足本

爲陰而陽經屬焉。乃陰中之少陽也。七月右足少陰。八月右足太陰。九月右足厥陰。十月左足少陰。十一月左足太陰。十二月左足少陰。則是足之屬陰經者。正以足本爲陰而陰經屬焉。乃陰中之太陰也。由上文手之十指。應十日之十干者。觀之。則甲主左手之少陽。巳主右手之少陽。乙主左手之太陽。戊主右手之太陽。丙主左手之陽明。丁主右手之陽明。則是手之屬陽經者。正以手本爲陽而陽經屬焉。乃陽中之太陽也。庚主右手之少陰。癸主左手之少陰。辛主右手之太陰。壬主左手之太陰。則是手之屬陰經者。正以手本爲陽而陰經屬焉。



焉。乃陽中之少陰也。夫曰手者。雖腰以上而凡腰以上者。不止于手。皆爲陽也。夫曰足者。雖腰以下而凡腰以下者。不止于足。皆爲陰也。其在內之五藏亦然。心肺居膈之上。本爲陽也。然心爲牡藏。爲陽中之太陽。肺爲牝藏。爲陽中之少陰。脾肝腎居膈之下。本爲陰也。然肝爲牝藏。爲陰中之少陽。脾爲牡藏。爲陰中之至陰。腎爲牝藏。爲陰中之太陰。蓋以陰陽之大義。陰中有陽。陽中有陰。陰中有太有少。陽中有太有少。故分之爲陰陽者。其妙有如是夫。

黃帝曰。以治柰何。岐伯曰。正月二月三月。人氣在左。無刺。

左足之陽四月五月六月人氣在右無刺右足之陽七月八月九月人氣在右無刺右足之陰十月十一月十二月人氣在左無刺左足之陰

此言足之十二經應十二月其左右足各有陰陽所屬刺之者當知所慎也正月二月三月人氣在左足之少陽太陽陽明故用鍼者無刺左足之三陽經也四月五月六月人氣在右足之陽明太陽少陽故用鍼者無刺右足之三陽經也七月八月九月人氣在右足之少陰太陰厥陰故用鍼者無刺右足之三陰經也十月十一月十二月人氣在左足之厥陰太陰少陰故用鍼者無

刺左足之三陰經也。夫足之十二經。當知慎。刺于十二  
月者如此。則甲乙丙丁。不可以刺左手之少陽太陽陽  
明。丁戊己丑。不可以刺右手之陽明太陽少陽。庚辛日  
不可以刺右手之少陰太陰壬癸日。不可以刺左手之  
太陰少陰者。可類推矣。

黃帝曰。五行以東方爲甲乙木。主春。春者蒼色。主肝。肝者  
足厥陰也。今乃以甲爲左手之少陽。不令于數。何也。歧伯  
曰。此天地之陰陽也。非四時五行之以次行也。且夫陰陽  
者。有名而無形。故數之可十。推之可百。散之可千。推之可  
萬。此之謂也。

按數之十四句又見素問  
論五運行大論

此承上文而言。手經之屬十干者，乃天地之陰陽，而非四時所次之陰陽。正以陰陽之義至廣而不可窮也。帝問五行以東方甲乙木主手，時則爲春，其色爲蒼，其藏主肝。肝者，屬足厥陰也。今乃以甲日屬左手之少陽，乃三焦經，而不以屬之肝經，則是數有不合也。伯言臣之所列陰陽者，乃天地之陰陽也，非四時五行之次相列之陰陽也。由此觀之，則陰陽者在四時五行固甲乙屬肝，而在天地之陰陽，則又可以三焦屬甲。甲與三焦皆少陽，故陰陽各有名色所屬，而無形體可泥，數之可十者，此陰陽也。推之而倍十爲百，亦不外是。散之而可千

者此陰陽也。推之而倍千爲萬，亦不外是。變化無窮，真妙矣哉。

病傳第四十二

篇內大氣入藏，先發于何藏，何日傳。

故以病傳名篇。然素問以論標本病傳爲一篇本經以病本論標本以病傳論病之所傳分爲二篇。

黃帝曰：余受九鍼于夫子，而私覽于諸方，或有導引行氣

喬摩灸熨刺炳飲藥之一者，可獨守耶？將盡行之乎？歧伯

曰：諸方者，衆入之方也，非一人之所盡行也。黃帝曰：此乃

所謂守一勿失萬物畢者也。喬摩同素問移精變氣論治

此言諸方可行于衆病，非行于一人，然守一可以御萬

也。諸方者，或導引行氣，或躡足，或按摩，或用灸，或用熨

或用刺或用炷或飲藥爲醫工者可獨守一法而行之  
抑亦盡識而行之伯言諸方者所以治衆人之病病有  
不同故治之亦異也豈必于一人之病而盡用之哉故  
帝悟諸方雖行于衆病而醫工當知乎守一守一者合  
諸方而盡明之各守其一而勿失也庶于萬物之病可  
以畢治而無誤矣然守一之理帝能言之而其要在乎  
生神妙哉神之爲一也下文伯始及之

今余聞陰陽之要虛實之理傾移之過可治之屬願聞病  
之變化庶傳絕敗而不可治者可得聞乎歧伯曰要乎哉  
問道昭乎其如日醒寤乎其如夜瞑能被而服之神與俱



始篇所謂專意一神實命全形福所謂一曰治神皆指  
 未鍼之時而言又如九鍼十二原所謂神在尺毫神屬  
 勿去實命全形篇鍼解篇所謂神無營一氣少者指用  
 鍼之時而言也篇有自病入神氣言者如九鍼十二原所  
 謂上守神終始篇所謂以移其神八正神氣篇所謂善  
 養神者必知形之肥瘦營衛血氣之盛衰篇所謂  
 正其神制其神也篇有自貨揚腎工言者如不氣藏府病  
 形篇所謂知其病命曰神也又自道之神妙而論如天  
 元紀大論所謂陰陽不測謂之神然亦可以貨揚神  
 聖而言也若此篇所謂神與俱成神自得之生神之理  
 乃就醫工之精神心法鍼法而統言之也必帝問病有  
 神之生然後可以行諸方故謂之曰守一  
 陰陽虛實及傾移之過病為有過可治之屬凡病有  
 類余皆聞之然有變化不測浸淫相傳以至於絕敗而  
 不可治者乃余之未聞也是帝本以大病難知為疑而  
 伯乃以上文守一之旨為答遂嘆道之有要明者為醒



而暗者爲瞑果能佩而服之則神自生而與道俱成又能終身服之則神自生而與法俱得然此生神之理可著于竹帛以傳之天下後世蓋上達必由心悟可以待其人而後行也雖子孫亦不可傳之猶梓匠輪輿能使人規矩不能使人巧故父不得以私諸子也凡明此道者如惑之解如醉之醒是謂昭乎如目醒也目惑與醉得醒字故昧此道者如病之瘖無聲難聞如雲之漠無借言之形可據是謂蒼乎其如夜瞑也何也凡病之變化淫傳耗敗而不可治者其毫毛折腠理開正氣橫傾邪氣泮衍大邪入藏而脈道下傳此言少死難生者非有守一

之神。烏能治若病哉。

黃帝曰：大氣入藏，奈何？岐伯曰：病先發于心，一日而之肺。

二日而之肝，五日而之脾，三日不已死。冬夜半，夏日中。

問：標本病傳論云：夫病傳者，心病先心痛，一日而欬，三日而支痛，五日閉塞不通，身溫重，三日不已死。冬夜半，夏日中。

此承上文而言大氣入藏者，即五藏之相剋為傳，遂以

心之病傳者而先言之也。大氣入藏者，即素問標本病

傳論之所謂病傳也。夫病傳者，病若先發于心，其言先

心痛，以藏其通于心也。故火來乘金，一日即傳之于肺。

其證當為欬，以肺之變動為欬也。又三日則四日矣。金

來乘木傳之于肝其證當脇支痛以肝脉循脇肋也又  
五日則九日矣木來乘土傳之于脾其證當閉塞不通  
身痛體重以脾主肉而肉重也又三日則十一日矣其  
病不已則死但冬屬水而冬之夜半其水九時旺水尅  
火故冬死于夜半夏屬火而夏之日中其火尤勝今心  
火已絕火不能持故夏死于日中也按素問言病重極  
之病也蓋素問承上  
文甚者咽行而言耳

病先發于肺三日而之肝一日而之脾五日而之胃十日  
不已死冬日入夏日出

按本經傳論云肺病者喘欬三日而  
死支滿痛一日身重體痛五日而

脈十日不已死  
冬月入夏日出

此言邪氣入肺而有相傳之死期也。病先發于肺，其證當為喘，為欬，過三日則金來乘木，傳之于肝，其證當為支滿痛。又一日則四日矣，木來乘土，傳之于脾，其證當為身重體痛。又五日則九日矣，脾邪乘胃，其證當為脹。又十日則十九日矣，其病不已則死，但冬之日入在申時，雖屬金，金衰不能扶也，故冬死于日入。夏之日出在寅，木旺火生，肺氣已絕，非火盛而死，故夏死于日出也。病先發于肝，三日而之脾，五日而之胃，三日而之腎，三日不已死。冬日入，夏蚤食。標本病傳論云：肝病頭目眩脇支腰脊小腹脹，脛痠，三日不已死。冬日入，夏蚤食，當從早

此言邪氣入肝而有相傳之死期也。病先發于肝其證當頭目眩而脇支滿。過三日則木來乘土傳之于脾其證當體重身痛。又五日則土來乘水傳之于腎其證當爲脹。又三日則十一日矣。則土來乘水傳之于腎其證當腰脊小腹俱痛。脛中覺痠。正以腎脉起于足循膈內出臍內廉貫脊屬腎絡膀胱。又腰爲腎之府故病如是也。又三日則十四日矣。其病不已則死。但冬之日入在申以金旺木衰故冬死于日入。夏之早食在卯以木旺亦不能扶故夏死于早食也。

病先發于脾一日而之胃。二日而之腎。三日而之膀胱。

十日不已死

冬人定夏晏食

按本經傳論云。脾病身痛體重。一日而脈。二日少腹脹者。

十日不已死

冬人定夏晏食

按本經傳論云。脾病身痛體重。一日而脈。二日少腹脹者。

此言邪氣入脾而有相傳之死期也。病先發于脾。其證

當身痛體重。一日而自傳于胃。其證當為脹。又二日

則三日矣。土來乘水。乃傳于腎。其證當少腹腰脊痛而

脛痠也。又三日則六日矣。腎自傳于伏膂之脉。膀胱之

府其證當背脇筋痛而小便亦閉也。又十日則十六日

矣。其病不已死。但冬之入定在亥。以土不勝水。故冬死

于壬。定夏之晏食在寅。以木來尅土。故夏死于晏食也。

病先發于脾。五日而之腎。三日而之膂。膀胱五日而止。

心二日不已死冬夜半夏日晚脾本病傳論云胃病脹滿

日背筋痛小便閉五日身重六日

此言邪氣入胃而有相傳之死期也胃病者其證當脹

滿五日則胃傳于腎其證當少腹腰脊痛而節痠也又

三日則八日矣腎病自傳于肝其證當背肝筋痛而小

便自閉也又五日則十三日矣又上而傳之于心其證

當心痛也又二日則十五日矣其病不已則死但冬之

半夜屬子土不勝水故冬死于夜半夏之日與在未土

氣正衰故夏死于日昃也按標本病傳論云五日身重

同又六月不已死與此二日不

已死亦不同下節大抵皆然

病先發于腎。三日而之脊膀胱三日而之之心三日而之

小腸三日不已死。必大晨。有異。小腸木病傳論云腎病者

足支痛二日不已死。必大晨。有異。

此言邪氣入腎而有相傳之死期也。又病者其證當少

腹腰脊痛。漸疼三日則自傳于膀胱之庶其正當背肥

筋痛而小便亦閉也。又三日則六日矣。六日則火膀胱

上而之心其證當心痛也。又三日則九日矣。心自傳小

腸之府其證當小腹脹也。又二日則十一日矣。其病不

已則死。但冬之大明在寅末夏之姤以向昏土能尅

水故冬死于大晨而夏死于旦曉也。



病先發于膀胱五日而之腎一日而之小腸一日而之心

二日不已死冬雞鳴夏下晡輕小者傳治膀胱病小便

一日腹脹一日身腫痛二日不已死冬雞鳴夏下晡

此言邪入膀胱而有相傳之死期也膀胱病者其證當

小便閉五日則自傳于腎其證當少腹脹腰脊痛而筋

痠也又一日則六日矣水來乘火腎傳之小腸其證當

小腹胀也又一日則七日矣又傳之于心其證當心痛

也又二日則八日矣其病不已死但冬之雞鳴在丑土

尅水故冬死于雞鳴夏之下晡在申金尅不能生水故

夏死于下晡也

諸病以次相傳如是者皆有死期不可刺也間一藏及二

三四藏者乃可刺也

標本病傳論同按難經五十一難上

此結言相傳而為甚者死不可刺間藏而為生者可刺之也諸經之病皆有相尅之次是相傳為病之甚者獨行故有死期不可刺若問傳而為相生則問一藏為始及三四藏是乃相生之次所謂問者并行乃可刺以治之也

淫邪發夢第四十三

內有淫邪泮衍使人不得安而發夢故名篇

黃帝曰願聞淫邪泮衍奈何岐伯曰正邪從外襲內而未

有定舍反淫于藏不得定處與營衛俱行而與魂魄飛揚

使人卧不得安而喜夢。氣滯于肝則有餘于外，不足于內。氣滯于藏則有餘于內，不足于外。黃帝曰：有餘不足，不可形乎歧伯曰：陰氣盛則夢涉大水而恐懼，陽氣盛則夢大火而燔灼，陰陽俱盛則夢相殺。上盛則夢飛，下盛則夢墜。當作則夢墜。當作則夢墜。饑則夢取，甚飽則夢予。與肝氣盛則夢怒，肺氣盛則夢恐，懼哭泣飛揚，心氣盛則夢善笑，恐畏脾氣盛則夢歌樂，身體重不舉，腎氣盛則夢腰脊兩解不屬。凡此十二盛者，至而寫之立已。按陰氣盛至肺氣盛又見素問脉要精微論外方盛衰論亦有諸夢此承前篇而用淫邪泝衍之義，先以藏府十二盛之變夢者言之也。淫邪者，非另有其邪，即後篇燥濕寒暑風

雨之正邪從外襲內而未有定舍及淫于藏府即前篇之大氣入藏也與營爲陰氣衛爲陽氣者俱行而與魂魄飛揚使人卧不得安而多發爲夢此邪淫之于府則府主外其外爲有餘而內則不足此邪淫之于藏則藏主內其內常有餘而外則不足試以有餘者觀之陰氣者營氣也營氣盛則夢涉大水而有恐懼之狀蓋大水屬陰故也陽氣者衛氣也衛氣盛則夢見大火而有燔炳之勢蓋大火屬陽故也若陰陽俱盛則營衛二氣皆盛也內外有餘陰陽相爭其夢主于相殺且手部屬陽故上部邪盛則夢飛揚足部屬陰故下部邪盛則夢墮

陸如饑至太甚則夢有所取如飽至太甚則夢有所與  
肝之邪盛則夢多怒以肝之志爲怒也肺之邪盛則夢  
恐懼哭泣而飛揚以肺之聲爲哭也心之邪盛則夢善  
笑而恐懼以心之聲爲笑而其志主于憂也脾之邪盛  
則夢歌樂及體重不能舉以脾之聲爲歌而其體主肉  
也腎之邪盛則夢腰脊兩解不相連屬以腰爲腎之府  
也凡此十二盛者在府則有餘于外在藏則有餘于內  
凡有夢至時卽知其邪之在何藏府遂用鍼以寫之其  
邪可立已矣蓋府藏爲府藏夢寫藏也

厥氣客于心則夢見丘山煙火客于肺則夢飛揚見金鐵

物客于肝則夢山林樹木客于脾則夢見丘陵大  
壞屋風雨客于腎則夢臨淵沒居水中客于膀胱則夢遊  
行客于胃則夢飲食客于大腸則夢田野客于小腸則夢  
聚邑衝衢客于膽則夢鬪訟自刺客於陰器則夢接內客  
于項則夢斬首客于脛則夢行走而不能前及居深地窳  
苑中客于股肱則夢禮節拜起客于胞胲則夢洩便凡此  
十五不足者至而補之立已也

紫力  
交切

此舉藏府之十五不足而發之爲夢者言之也厥氣者  
卽下篇之陰陽喜怒飲食居處凡藏府內傷之邪也其  
邪氣客于心則夢見山林煙火以心屬火也邪氣客於

肺則夢飛揚及金鐵之奇物。以肺屬金也。邪氣客于肝則夢見山林樹木。以肝屬木也。邪氣客于脾則夢見丘陵大澤。壞屋風雨。以脾屬土也。邪氣客于腎則夢臨于深淵。或沒居于水中。以腎屬水也。邪氣客于膀胱則夢出遊行。以膀胱經徧行頭項背腰胫足也。邪氣客於胃則夢飲食。以胃主納食也。邪氣客于大腸則夢田野。以大腸爲傳道之官。其曲折廣大似田野也。邪氣客於小腸則夢會聚之邑居。或衝要之道衢。以小腸爲受盛之官。其物之所聚似邑衢也。邪氣客於膽則夢鬪訟自剋。以膽屬木。脾主土與肉。木能剋土而肉傷也。邪氣客於

陰器則夢接內以陰器爲作強之官也邪氣客於項則  
夢斬首以項爲邪所傷也邪氣客於足脛則夢行走不  
能前及君深地窳苑中以脛爲邪所傷行走不能也邪  
氣客於腋肱則夢禮節拜起以拜起主于腋肱也邪氣  
客于胞膂以膀胱爲胞膂之室而胞膂在膀胱之內故  
邪客之則洩便也凡此十五不足者在府則不足于內  
在藏則不足于外凡有夢至時卽知其邪之在何藏府  
遂用鍼以補之其邪可立已矣蓋府必補藏藏夢補也  
順氣一日分爲四時第四十四內有一日分爲四時故名德

黃帝曰夫百病之所始生者必起于燥濕寒暑風雨陰陽



喜怒飲食居處氣合而有形得藏而有名。余知其然也。夫百病者多以旦慧晝安夕加夜甚何也。岐伯曰四時之氣其然。黃帝曰願聞四時之氣。岐伯曰春生夏長秋收冬藏是氣之常也。人亦應之以一日分爲四時。朝則爲春日中爲夏日入爲炁夜半爲冬。朝則人氣始生病氣衰故旦慧日中人氣長長則勝邪故安夕則人氣始衰邪氣始生故加夜半人氣入藏邪氣獨居于身故甚也。長上聲

此言百病皆旦慧晝安夕加夜甚之由也。夫百病必始于外感內傷故燥濕寒暑風雨者外感也陰陽喜怒飲食居處者內傷也邪氣相合于臟而病形成得其分藏

而病名別然病雖不同大抵旦慧夜妄夕加夜甚帝之  
所以疑也伯言一日之間合于四時之氣朝則爲春日  
中爲夏日入爲秋半夜爲冬故人氣者衛氣也衛氣爲  
陽氣朝則出于目自足太陽經之睛明穴以行于足手  
陽經其氣始生于朝故病氣者邪氣也邪氣不能敵人  
衛氣而且時乃突慧焉日中則衛氣漸長而猶能勝邪  
故能安夕則衛氣行于陽經者周而將入于陰經其氣  
始衰彼邪氣勝衛氣而始生故病加夜半則衛氣行于  
陰經全入于藏彼邪氣獨居于身故身不能支而病甚

也

人氣者衛氣之義見素問生  
氣通天論及本經衛氣行篇

黃帝曰其時有反者何也岐伯曰是不應四時之氣藏獨  
主其病者是必以藏氣之所不勝時者甚以其所勝時者  
起也黃帝曰治之奈何岐伯曰順天之時而病可與期順  
者爲工逆者爲粗

此言病有不應旦慧夜甚之由而惟上工則  
能順其時也帝疑病有旦書或加或甚而夕夜或慧或  
安者故伯言此乃藏氣獨主其病而不應一日分爲四  
時之氣也如脾病不能勝口之木肺病不能勝晝之火  
肝病不能勝夕之金心病不能勝夜之水故爲加爲甚  
也若人之藏氣能勝時之氣如肺氣能勝旦之木腎氣

能勝畫之火。心氣能勝夕之金。脾氣能勝夜之水。故至  
于慧且安也。治之者能順其時。如脾病不能勝旦之木。  
則補脾而厲肺。肺病不能勝晝之火。則補肺而厲心。肝  
病不能勝夕之金。則補肝而厲肺。心病不能勝夜之水。  
則補心而厲腎。斯病可與期也。彼粗工者。則逆之而已。  
惡足以知此。

黃帝曰。善余聞刺有五變。以主五輸。願聞其數。歧伯曰。人  
有五藏。五藏有五變。五變有五輸。故五五二十五輸。以應  
五時。黃帝曰。願聞五變。歧伯曰。肝爲牡藏。其色青。其時春。  
其音角。其味酸。其日甲乙。心爲牡藏。其色赤。其時夏。其日

丙丁其音徵其味苦脾爲牝藏其色黃其時長夏其日戊  
巳其音宮其味甘肺爲牝藏其色白其音商其時秋其日  
庚辛其味辛腎爲牝藏其色黑其時冬其日壬癸其音羽  
其味鹹是謂五變黃帝曰以主五輸奈何岐伯曰藏主冬冬  
刺井色主春春刺榮時主夏夏刺輸音主長夏長夏刺經  
味主秋秋刺合是謂五變以主五輸

此詳言刺五藏者有五變五變主于五輸也法有不同  
之謂變五輸者卽井榮輸經合也刺五藏而有五變者  
以五藏有不同也肝爲陰中之陽心爲陽中之陽故皆  
稱曰牡藏脾爲陰中之至陰肺爲陽中之陰腎爲陰中

之陰故皆稱曰牝藏其各藏之曰色曰時曰音曰味曰  
日不同如此是之謂五變也然五變主于五輪者何也  
蓋五藏主于冬故凡病在于藏者必取五藏之井如肝  
取大敦心取少衝之類色主于春故凡病在于色者必  
取五藏之榮如肝取行間心取少府之類時主于夏故  
凡病時間時甚者必取五藏之輸如肝取太衝心取神  
門之類音主于長夏故凡病在于音者必取五藏之經  
如肝取中封心取靈道之類味主于秋故凡病在于胃  
及飲食不節得病者必取五藏之合如肝取曲臬心取  
少海之類是之謂五變以主五輪所謂五五二十五輪

以應五時者如此

黃帝曰。諸原安合。以致六輸。岐伯曰。原獨不應五時。以經

合之。以應其數。故六六三十六輸。按後世以經合之。則六六三十六輸。按後世以經合之。則六六三十六輸。

下原。故治原。即所以治。俞。今考此節。當以經合之。可以代原則。後世以俞穴代之者。非經旨也。

此言六府之原。穴不應五時。而以經合之。遂成三十六

輸之數也。帝疑五藏無原。穴六府有原。穴。今治之者。乃

刺五俞。而不及原。則諸原與五時何合。而於以足六輸

之數。伯言非榮輸經合。合下五時。唯六府之原。獨不應

于五時。故治病者。以經穴合之。如大腸取合谷之類。以

應六輸之數。故六六三十六輸。而治府之法。在是矣。

黃帝曰。何謂藏主。冬時主腎。夏時主心。長夏時主脾。秋時主肺。冬時主骨。夏時主筋。長夏時主肉。秋時主皮毛。冬時主血。夏時主氣。長夏時主脈。秋時主精。冬時主神。夏時主志。長夏時主思。秋時主慮。冬時主智。此五臟之主也。病在藏者。取之井。病變于色者。取之榮。病在經者。取之腧。病在腑者。取之合。故命曰味主合。謂五變也。

此申言五變治五輸之義也。

本節釋義已具上第三節中

外揣第四十五

內有司內揣外故名篇

黃帝曰。余聞九鍼九篇。余親授其調。頗得其意。夫九鍼者。始于一。而終于九。然未得其要道也。夫九鍼者。小之則無內。大之則無外。深不可為下。高不可為蓋。恍惚無窮。流溢



無極。余知其合于天道人事四時之變也。然余願雜之毫  
毛。渾束爲一可乎。歧伯曰：明乎哉！問也。非獨鍼道也。夫治  
國亦然。黃帝曰：余願聞鍼道，非國事也。歧伯曰：夫治國者，  
夫惟道焉。非道何可！小大深淺，雜合而爲一乎。黃帝曰：願  
卒聞之。歧伯曰：日與月焉，水與鏡焉。鼓與響焉。夫日月之  
明，不失其影；水鏡之察，不失其形；鼓響之應，不後其聲；動  
搖則應，和盡得其情。黃帝曰：審乎哉！昭昭之明，不可蔽其  
不可蔽，不失陰陽也。合而察之，切而驗之，見而得之，若清  
水明鏡之不失其形也。五音不彰，五色不明，五藏波蕩，若  
是則內外相襲，若鼓之應桴，響之應聲，影之似形，故遠者

司外揣內近者司內揣外是謂陰陽之極天地之蓋諸滅

之靈蘭之室弗敢使泄也

蘭室真經論及素問靈蘭秘典論皆藏此字

此言九鍼之要欲渾束爲一者唯至明而已夫九鍼者其小無內其大無外其深不可以爲下其高不可以爲蓋惚惚恍恍其妙無窮泛溢漫散其流無極上合天道四時中合人事然而未得其要道茲欲雜如毫毛之繁者而渾束爲一帝之所以問也伯言鍼道固然治國亦然皆有要道務使小大深淺合之而爲一焉可也觀之日月之明不失其影水鏡之察不失其形鼓響之應不失其聲故一動搖之間則相應相和而盡得其情矣帝

知伯之所言。不過至明以察陰陽而已。乃言人身之陰陽。雖昭昭小明。亦不可蔽。正以其不失陰陽之義也。惟合陰陽而察之。切陰陽而驗之。見陰陽而得之。若清水明鏡之不失其形。則據五音五色而五藏盡明矣。設使五音不能彰。五色不能明。則陰陽不明。而五藏在人身者。如水波蕩然。紊亂無紀。故必知內外有相襲之妙。真若桴鼓聲響。形影之相合。則人身之音與色。是之謂遠。可以言外也。而卽外可以揣五藏之在內者。人身之五藏。是之謂近。可以言內也。而卽內可以揣音與色之在外者。此乃陰陽之極。天地之蓋。不可以輕泄之也。

五卷終